



ԲՆԱԿԱՏՊԱՆՈՒԹՅԱՆ ԵՎ ԸՆԴԵՐՔԻ ՏԵՍՉԱԿԱՆ ՄԱՐՄՆԻ ՏԱՎՈՒՇԻ  
ՏԱՐԱԾՔԱՅԻՆ ԲԱԺԻՆ

Ո Ր Ո Շ ՈՒ Մ № 08/104/21-ՎՏ  
ՎԱՐՉԱԿԱՆ ՏՈՒՅԺ ՆՇԱՆԱԿԵԼՈՒ ՄԱՍԻՆ

15.09.2021թվական

քաղաք Իջևան

Բնապահպանության և ընդերքի տեսչական մարմնի Տավուշի տարածքային բաժնի պետի ժամանակավոր պաշտոնակատար Սարգիս Մախյանս, քննության առնելով «Ա-ՏԵԳ» ՍՊԸ-ի կողմից թույլ տված վարչական իրավախախտման վերաբերյալ նյութերը՝

Պ Ա Ր Զ Ե Ց Ի

«Ա-ՏԵԳ» սահմանափակ պատասխանատվությամբ ընկերությունը/ՀՎՀՀ 07905651/ իրականացնելով գործունեություն և Հայաստանի Հանրապետության հարկային օրենսգրքի 162 հոդվածի կարգով հանդիսանալով բնապահպանական հարկ վճարող, սահմանված ժամկետում չի ներկայացրել 2021 թվականի 2-րդ եռամսյակի համար բնապահպանական հարկի և բնօգտագործման վճարների միասնական հարկային հաշվարկները:

Բնապահպանության և ընդերքի տեսչական մարմնի Տավուշի տարածքային բաժնում հարուցվել է վարչական վարույթ, գործի քննությունը նշանակվել է 2021 թվականի սեպտեմբերի 15-ին, ժամը 11.00-ին, ինչի վերաբերյալ ՍՊԸ-ի տնօրեն Սամսոն Ոսկանյանը պատշաճ ծանուցվել է, սակայն չի ներկայացրել և գործի քննությունը հետաձգելու մասին միջնորդություն չի արել:

Վարչական գործի քննությամբ հիմնավորվել է, որ «Ա-ՏԵԳ» սահմանափակ պատասխանատվությամբ ընկերությունը/ՀՎՀՀ 07905651/, ի դեմս տնօրեն Սամսոն Հրաչիկի Ոսկանյանի, խախտել է ՀՀ հարկային օրենսգրքի 180-րդ հոդվածի պահանջը, ինչի համար նախատեսված է պատասխանատվություն Վարչական իրավախախտումների վերաբերյալ Հայաստանի Հանրապետության օրենսգրքի 169<sup>4</sup>-րդ հոդվածով սահմանված սանկցիայով:

Ելնելով վերոգրյալից և ղեկավարվելով Վարչական իրավախախտումների վերաբերյալ Հայաստանի Հանրապետության օրենսգրքի 169<sup>4</sup>-րդ, 242-րդ և 267-րդ հոդվածներով՝

Ո Ր Ո Շ Ե Ց Ի

1 «Ա-ՏԵԳ» սահմանափակ պատասխանատվությամբ ընկերությունը/ՀՎՀՀ 07905651/, ի դեմս տնօրեն Սամսոն Հրաչիկի Ոսկանյանի, նշանակել վարչական տուգանք՝ սահմանված նվազագույն աշխատավարձի հիսնապատիկի չափով՝ 50.000 (հիսուն հազար) Հայաստանի Հանրապետության դրամ:

2. Սույն որոշումն օրինական ուժի մեջ է մտնում Սամսոն Հրաչիկի Ոսկանյանին հանձնելու/հանձնված լինելու/ պահից:

3. Սույն որոշումը կարող է բողոքարկվել վերադատության կարգով՝ տեսչական մարմնի ղեկավարին կամ դատական կարգով՝ Հայաստանի Հանրապետության Վարչական

դատարան՝ որոշումը հանձնելու (հանձնված համարվելու) օրվանից հետո՝ մեկամսյա ժամկետում:

4. Որոշման օրինական ուժի մեջ մտնելու պահից մեկամսյա ժամկետում վերջինս չբողոքարկվելու դեպքում այն դառնում է անբողոքարկելի և ենթակա է հարկադիր կատարման:

5. Սույն որոշմամբ սահմանված պուգանքը վճարել Հայաստանի Հանրապետության պետական բյուջե՝ 900005024063 հաշվին:

Բաժնի պետի ժամանակավոր  
պաշտոնակատար՝



Ս.Մախլյան

